

118

21. maí

7. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni. Greiðist hann af ábúendum jarða og eigendum húseigna og lóða. Gjald-dagi á vegaskatti skal vera á manntalsþingum. Hreppsfélagi er þó heimilt að greiða skatt þennan úr sveitarsjóði að nokkru eða öllu leyti, sé það samþykkt með meiri hluta atkvæða á lögmætum sveitarfundi og oddvita sýslunefndar tilkynnt það fyrir 1. apríl. Gildir sú samþykkt, þar til henni er breytt á sama hátt, og oddvita sýslu-nefndar tilkynnt.

Sýslunefnd ákveður fyrir eitt ár í senn, hve hár skatturinn skuli vera og má hann ekki vera lægri en 2‰ og ekki hærri en 12‰ af land- og lóðarverði, samkvæmt fasteignamati, og hálfu lægri af húseignum.

8. gr.

Undanskyldar vegaskatti eru kirkjur, skólahús, sjúkrahús og þinghús.

9. gr.

Gjöld samkvæmt samþykkt þessari má taka lögtaki samkvæmt lögum nr. 29 frá 1885.

10. gr.

Samþykkt þessi öðlast þegar gildi.

Samþykkt þessi, sem sýslunefnd Borgarfjarðarsýslu hefur samið og samþykkt samkvæmt lögum nr. 102 19. júní 1933, sbr. lög nr. 50 17. maí 1947 og lög nr. 10 9. febr. 1953, staðfestist hér með, og birtist til eftirbreytni öllum þeim, sem hlut eiga að máli. Jafnframt fellur úr gildi samþykkt um sýsluvegasjóð í Borgarfjarðar-sýslu, nr. 80 1. júní 1942, ásamt síðari breytingu á henni.

Samgöngumálaráðuneytið, 21. maí 1953.

Hermann Jónasson.

Páll Pálmason.

119

21. maí

SAMÞYKKT

um sýsluvegasjóð í Mýrasýslu.

1. gr.

Í Mýrasýslu skal vera sýsluvegasjóður samkv. lögum nr. 102 frá 19. júní 1933. Kostnaður við þær vegabætur, er að lögum hvíla á sýslufélaginu, greiðist úr sýslu-vegasjóði.

2. gr.

Sýsluvegir eru þessir:

I. Aðalvegir:

1. Framhlíðarvegur frá vegamótum þjóðvegur skammt neðan við Þverárreitt að Hermundarstöðum.
2. Glitsstaðavegur frá Vesturlandsvegi hjá Brók, með brú á Norðurá, um Skarðshamra, um Krók og um væntanlega brú á Norðurá hjá Króki á Norðurlandsveg.
3. Ásbjarnarstaðavegur frá Kleifavegi að Selhaga.
4. Flóðatangavegur frá Stafholti að Flóðatanga.

5. Borgarhreppsvegur frá Vesturlandsvegi fyrir ofan Galtarho't að Litla-Fjalli, þaðan niður með Langá á Stykkishólmsveg við Langárbrú. 119
6. Álftanesvegur frá Álftaneshreppsvegi hjá Kolviðarholti að Álftanesi. 21. maí
7. Staðarhraunsvegur frá Raftás við Stykkishólmsveg að Hitardal.
8. Sauravegur frá Stykkishólmsvegi við Fornaselsás um Saura, Miklholt að Jaðri.

II. Aukavegir:

1. Þorvaldsstaðavegur frá Fljótstungusvelg að Þorvaldsstöðum.
2. Veðilækjarvegur frá Þverárhliðarvegi hjá Lækjarkoti, um Lækjarkot, Höll, Veðilæk og Svartagil á Glitstaðaveg.
3. Örnólfsdalsvegur af Framhliðarvegi á melhorninu undan Helgavatni um Helgavatn að Örnólfsdal með hliðarálmum að Hömrum.
4. Hreðavatnsvegur af Vesturlandsvegi við Bifröst um Hreðavatn að Jafna-skarði.
5. Kaðalstaðavegur frá Borgarfjarðarbraut á Lundabörðum um Kaðalstaði, Efra-Nes að Neðra-Nesi, með hliðarálmum frá Kaðalstöðum að Miðgarði.
6. Einifellsvegur frá Varmalandi að Einifelli.
7. Rauðanesvegur frá Stykkishólmsvegi fyrir vestan Borg um Þursstaði að Rauðanesi.
8. Stóra-Fjallsvegur frá Borgarhreppsvegi við Litlu-Gröf um nýbýlið Stóra-Fjall að Gljúfurá.
9. Gufárvegur frá Þjóðveginum við Gufá um Gufá, Staðarhús að Laxholti.
10. Hraundalsvegur frá Grímsstöðum að Syðri-Hraundal.
11. Álftártunguvegur frá Stykkishólmsvegi hjá Álftárbrú að Álftártungu.
12. Lambastaðavegur af Álftanesvegi hjá Miðhúsum að Lambastöðum.
13. Þverholtavegur frá Hraunhreppsvegi ofan Álftárbrúar um Álftárbakka að Þverholtum.
14. Straumfjarðavegur af Álftaneshreppsvegi að svo nefndum Þröskuldum við Straumfjörð.
15. Seljavegur frá Kolás um Selja að Hestakeldu.
16. Hítarvegur frá Brúarfossi um Skipphyl að Litla-Kálfalæk.

3. gr.

Sýsluvegasjóður kostar byggingu og viðhald aðalsýsluvega.

Sýsluvegasjóður leggur fram fé til byggingar aukasýsluvega, gegn jöfnu framlagi annars staðar frá. Það er skilyrði fyrir framlagi úr sýsluvegasjóði í aukasýsluveg, að viðkomandi hreppsnefnd leggi fram skilríki fyrir því, að framlagið á móti sé til staðar.

Sýsluvegasjóður greiðir að jafnaði ekki viðhald aukavega, þó getur sýslunefnd ákveðið, að viðhald aukasýsluvegar skuli greiddast af sömu aðiljum og byggingar-kostnaður hans, og í sömu hlutföllum.

4. gr.

Sýslunefnd felur oddvita í hverjum hreppi að hafa umsjón með byggingu og viðhaldi sýsluvega. Yfirumsjón hefur oddviti sýslunefndar í samráði við yfirverkstjórn vegagerðar ríkisins í sýslunni.

Nú lítur sýslunefnd svo á, að hagkvæmt og nauðsynlegt sé, að nota stórvirkar vinnuvélar við byggingu eða viðhald sýsluvega, og getur hún þá falið oddvita sínum að leita samninga við vegagerð ríkisins um, að vegagerðin annist þær framkvæmdir. Ef samningar takast við vegagerðina um slíkar framkvæmdir, stendur fé það, er sýsluvegasjóður á að fá úr ríkissjóði, til tryggingar því, að sýsluvegasjóður standi við fjárhagsskuldbindingar sínar vegna framkvæmdanna.

119

21. maí

5. gr.

Nú koma fram tilmæli frá einhverri hreppsnefnd um, að byggingu sýsluvegar eða kafla úr sýsluvegi verði lokið á 1 eða 2 árum, og getur þá sýslunefnd, ef hún telur það hagkvæmt og nauðsynlegt, heimilað hreppsnefnd að taka lán til 5—10 ára til að koma þessu í framkvæmd, og ábyrgist sýsluvegasjóður greiðslu lánsins með jöfnum greiðslum á árabílinu, þó að þessu tilskildu:

- a. Að viðkomandi hreppsnefnd taki að sér vaxtagreiðslur að fullu, meðan það stendur eða nokkur hluti þess;
- b. að viðkomandi hreppsnefnd sanni það fyrir oddvita sýslunefndar, áður en hafist er handa um verkið, að lánið sé fengið, eða loforð um það, er oddviti tekur gilt;
- c. að viðkomandi hreppsnefnd, ef um aukasýsluveg er að ræða, ábyrgist árlega greiðslu þess hluta árlegra afborgana lánsins, er koma eiga frá öðrum en sýslusjóði.

6. gr.

Nú hafa, án þess að leitað hafi verið samþykktar sýslunefndar til lántöku, safnast svo miklar lausaskuldir við hrepp eða einstaklinga, vegna byggingar sýsluvegar, að nemur tvöföldu meðalframlagi úr sýsluvegasjóði til vegar þessa síðustu þrjú árin, og getur þá sýslunefnd ákveðið, að lán þessi skuli gerð að föstum lánnum, samkvæmt ákvörðun 5. gr., með sömu skilmálum og lýst er í næstu grein á undan.

7. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni. Greiðist hann af ábúendum jarða og eigendum húseigna og lóða. Gjald-dagi á vegaskatti skal vera á manntalsþingum. Hreppsfélagi er þó heimilt að greiða skatt þennan úr sveitarsjóði að nokkru eða öllu leyti, sé það samþykkt með meiri hluta atkvæða á lögsmætum sveitarfundi og oddvita sýslunefndar tilkynnt það fyrir 1. apríl. Gildir sú samþykkt, þar til henni er breytt á sama hátt og oddvita sýslunefndar tilkynnt.

Sýslunefnd ákveður fyrir 1 ár í senn, hve hár skatturinn skuli vera og má hann ekki vera lægri en 2‰ og ekki hærri en 12‰ af land- og lóðaverði samkvæmt fasteignamati, og hálfu lægri af húseignum.

8. gr.

Undanskyldar vegaskatti eru kirkjur, skólahús, sjúkrahús og þinghús.

9. gr.

Gjöld samkvæmt samþykkt þessari má taka lögtaki samkvæmt lögum nr. 29 frá 1885.

10. gr.

Samþykkt þessi öðlast þegar gildi.

Samþykkt þessi, sem sýslunefnd Mýrasýslu hefur samið og samþykkt samkvæmt lögum nr. 102 19. júní 1933, sbr. og lög nr. 50 17. maí 1947 og lög nr. 10 9. febr. 1953, staðfestist hér með, og birtist til eftirbreytni öllum þeim, sem hlut eiga að máli. Jafnframt fellur úr gildi samþykkt um sýsluvegasjóð í Mýrasýslu frá 1. maí 1929 ásamt síðari breytingum á henni.

Samgöngumálaráðuneytið, 21. maí 1953.

Hermann Jónasson.

Páll Pálmason.